



Акавистъ иже во святыхъ отцу нашему Святителю Питириму, Епископу Тамбовскому и Козловскому *).

Кондакъ I.

Избранный чудотворче и святителю Христовъ, всѣмъ притекающимъ къ тебѣ скорый помощниче, воспѣваемъ ти съ любовію похвальная; ты же, яко имѣяй дерзновеніе ко Господу, просвѣти омраченная сердца паша, да зовемъ ти: Радуйся святителю Питириме, тамбовскія страны просвѣщеніе.

Икосъ I.

Ангель церкви тамбовскія воистину явился еси, святителю Питириме, ты бо избра Вседержитель камень во главу ея быти; мы же, дивящися такому о тебѣ Божію промышленію, зовемъ ти:

Радуйся, Христа отъ юности возлюбивый.

Радуйся, все упованіе на Пречистую возложивый.

Радуйся, града Вязьмы украшеніе.

Радуйся, града Тамбова защито и огражденіе.

Радуйся, храмовъ Божіихъ устроителю.

Радуйся, житія иноческаго пасадителю.

Радуйся, смиренія и кротости учителю.

Радуйся, Богоматери народною любовію къ тебѣ умилениѣ.

Радуйся, святителю Питириме, тамбовскія страны просвѣщеніе.

Кондакъ II.

Видящи Всеблагая Богомати во удѣлѣ своемъ страну нашу всякими напастѣми обуреваему, избра ты отъ рожденія кормчимъ намъ быти, да вси зовемъ къ Богу: аллилуіа.

*) Предлагаемый Акавистъ не рассмотрѣнъ высшею церковною властію и потому печатается здѣсь не для чтенія при богослуженіи. *Ред.*

Икосъ II.

Разумъ Предвѣчный предувѣде тя ко спасенію и во святѣмъ крещеніи дарова тебѣ паставника и учителя, преподобнаго Проконія, ему же неуклонно слѣдовалъ еси до конца.

Мы же, зряще образъ житія твоего, со умиленіемъ глаголемъ:

Радуйся, цвѣте церкви російскія.

Радуйся, крине, иже въ дому Богоматери возрасте.

Радуйся медь отъ пустыни Предтечи.

Радуйся, источниче, отъ воды живой начало приемый.

Радуйся, отъ юности мудростію твоею иноки питавый.

Радуйся, образомъ юнаго житія твоего старцемъ поученіе.

Радуйся, святителю Питириме, тамбовскія страны просвѣщеніе.

Кондакъ III.

Сила Вышняго осѣни тя, святителю Питириме, и не по мнозѣхъ лѣтѣхъ постави тя во обители Предтечи право правити слово Господней истины, выну взывающа: аллилуіа.

Икосъ III.

Имѣя тщаніе о спасеніи душъ иноковъ святяго обители, въ ней же избраиъ былъ еси во игумена, святителю велій, яви собою примѣръ совершенства христіанскаго, сего ради вопіемъ ти:

Радуйся, добродѣтелей вмѣстилище.

Радуйся, правовъ святое очистилище.

Радуйся, кладезю мудрости.

Радуйся, огонь словесный, нечестіе сожигаяй.

Радуйся свѣтильниче истины пресвѣтлый.

Радуйся, свѣте, правый путь освѣщаяй.

Радуйся, блюстителю богопочтенія.

Радуйся, благочестію наставленіе.

Радуйся, святителю Питириме, тамбовскія страны просвѣщеніе.

Кондакъ IV.

Бури недоумѣнія не убоялся еси, святителю Питириме, егда икону, несмысленно начертанную, поклоненія отъя, но злохуленію подвергшиися, вопія Богу: аллилуіа.

И к о с ь IV.

Слышаша подвиги твоя, святителю Питириме и видящи доброту житія твоего, усмотри блаженнѣйшій Іоакимъ ты пастыря достойна пасти церковь Господа и Бога, юже стяжа Христось кровію своею честною, того ради вопіемъ ти сицеваая:

Радуйся, пастырю добрый стадо свое выну охраняяй.

Радуйся, почестей земныхъ убѣгаяй.

Радуйся, на милость Всещедраго уповаяй.

Радуйся, всѣмъ, къ тебѣ прибѣгающимъ, скорое заступленіе.

Радуйся, злыхъ премудрыми словесы удобреніе.

Радуйся, вѣры Христовой среди язычниковъ насажденіе.

Радуйся, святителю Питириме, тамбовскія страны просвѣщеніе.

К о н д а к ь V.

Боготечная звѣзда явился еси, святителю Питириме, ревнуя подвигомъ апостольскимъ святителю рязанскому Мисаилу, и путь намъ указуеши ко престолу Вседержителя, да ангелы слышимъ вопіющія: аллилуіа.

И к о с ь V.

Видя отецъ лжи въ странѣ нашея правдѣ укрѣпленіе, подвигну сердца жителей града Козлова противу епископа Леонтія и возгорѣся вражда; ты же кротостію и мудростію своею гордыню утиши и мы тебѣ выну зываемъ:

Радуйся, гордыни побѣдителю.

Радуйся, фарисейства обличителю.

Радуйся, усердный Божій служителю.

Радуйся, кротостію язвы совѣсти исцѣляяй.

Радуйся, мечемъ осужденія омертвѣніе духовное отсѣкаяй.

Радуйся, вѣрныхъ прибѣжище.

Радуйся, иноковъ наставниче.

Радуйся, міра и любви наученіе.

Радуйся, святителю Питириме, тамбовскія страны просвѣщеніе.

К о н д а к ь VI.

Проповѣдуютъ лѣса и пустыни тамбовскія, яко воистину святитель явился еси и паству твою доннѣ научаеши пѣти Богу: аллилуіа.

И к о с ь VI.

Возсіялъ еси, яко свѣтильникъ, на высоту вознесенный, святителю Питириме, всѣмъ вѣрнымъ же и невѣрнымъ, тѣи бо, къ тебѣ прибѣгающе, ко Христу обращаются, сего ради хвалимъ тя сице:

Радуйся, узы лжи растерзаяй.

Радуйся, истину возношаяй.

Радуйся, при жизни многія ко Христу приведый, и по смерти къ Тому таковыя обращающій.

Радуйся, многотруднымъ житіемъ своимъ примѣръ намъ являющій.

Радуйся, суевѣрія искорененіе.

Радуйся, благочестныя жизни устроеніе.

Радуйся, святителю Питириме, тамбовскія страны просвѣщеніе.

К о н д а к ь VII.

Хотя вѣру православную во овцѣхъ своихъ утвердити, поревноваль еси пастырю благій, и припошеніемъ службы Богу, и наученіемъ словеснымъ, и поставленіемъ святыхъ иконъ; поставилъ бо на градскихъ вратѣхъ иконы Пречистыя Дѣвы и знаменіе святаго Креста, да вси сія зряще вопіютъ Богу: аллилуіа.

И к о с ь VII.

Новаго тя Ноа, строителя ковчега во спасеніе паствѣ своей, видяще и труды твоя, еже о разгнаніи злосмраднаго мрака грѣховнаго и утишеніи бури страстей, поминающе, славимъ тя сице:

Радуйся, сіяніе скорбный мракъ разгоняющее.

Радуйся, свѣтило паству свою непрестанно просвѣщающее.

Радуйся, небесныхъ рачителю.

Радуйся, земныхъ въ бѣдахъ утѣшителю.

Радуйся, кормчій, корабли своя ко спасенію приведый.

Радуйся, православія ревнителю.

Радуйся, на земли небожителю.

Радуйся, грѣшниковъ отчее вразумленіе.

Радуйся, святителю Питириме, тамбовскія страны просвѣщеніе.

Кондакъ VIII.

Странное чудо видимъ на тебѣ, святителю, егда болящу ти на одрѣ смертнѣмъ лежащу, зрящи Пресвятая великую скорбь народную о тебѣ, умилися во иконѣ своей и слезы источаше, ты же здравъ бываше, да вси умиленно вопіемъ: аллилуіа.

И к о с ь VIII.

Весь еси всѣмъ воистину помощникъ, святителю Питириме, и никого же тща отпустилъ еси прибѣгающихъ къ тебѣ, на похвалу всѣхъ подвизая воспѣвати тя сице:

Радуйся, исцѣленій источниче преизобильный.

Радуйся, пламень молитвы неугасающій.

Радуйся, роса благоплодная, души страждущихъ орошающая.

Радуйся, кадило предъ Господемъ благовонное.

Радуйся, руками своими кладези ископавый, чрезъ нихъ же намъ подаеши исцѣленія.

Радуйся, тьмы и нечестія посрамленіе.

Радуйся, святителю Питириме, тамбовскія страны просвѣщеніе.

Кондакъ IX.

Всякими чудесы яви Господь благоволеніе свое къ тебѣ, святителю Питириме, да видяще вѣруемъ и да, тобою въ селенія праведныхъ приведени, купно воспоемъ Богу: аллилуіа.

И к о с ь IX.

Вѣтти многовѣщанніи не возмогутъ изрещи довольно, коликую благодать получилъ еси, святителю Питириме, мы же въ простотѣ душъ и сердець нашихъ съ любовію зовемъ ти тако:

Радуйся, Духомъ святымъ осіянный.

Радуйся, фіаль милосердія Божія.

Радуйся, добродѣтелей зеркало.

Радуйся, больнымъ исцѣленіе подавая.

Радуйся, скорбныхъ и печальныхъ утѣшая.

Радуйся, учителю божественныхъ велѣній.

Радуйся, луче отгоняющій тьму сомнѣній.

Радуйся, немудрыхъ твоими словесы умудреніе.

Радуйся, святителю Питириме, тамбовскія страны просвѣщеніе.

Кондакъ X.

Спасти хотя души къ нимъ прибѣгающихъ, святителіе Митрофанъ и Тихонъ, сами величіи угодницы Божіи сущи, ко гробу твоему недужныя посылаю; такожде и преподобный Серафимъ Саровскій чудотворецъ, да вси Богу едиными усты и единѣмъ сердцемъ воспѣваемъ: аллилуіа.

И ко съ X.

Стѣна еси всѣмъ, къ тебѣ съ вѣрою прибѣгающимъ, сугубое заступленіе граду Тамбову являеши, къ паствѣ своей любовь показуя, да вси вопіють ти:

Радуйся, отъ мятежа и брани соблюдаяй.

Радуйся, отъ напрасныя смерти избавляяй.

Радуйся, святость житія твоего чудеса показавый.

Радуйся, образъ вѣрнымъ житіемъ своимъ давши.

Радуйся, разслабленныхъ укрѣпленіе.

Радуйся, слѣпыхъ прозрѣніе.

Радуйся, святителю Питириме, тамбовскія страны просвѣщеніе.

Кондакъ XI.

Пѣніе Пресвятѣй Троицѣ отъ младости приносящи, до конца дней твоихъ Единому въ Троицѣ славимому Богу подвигомъ добрымъ трудился еси, имъ же и насъ наставляеши пѣти: аллилуіа.

И ко съ XI.

Свѣтоподателемъ посланъ бывъ землѣ нашей, яко источникъ просвѣтленія духовнаго въ житіи твоемъ, приснопамятне святителю, и во успеніи не лишаеши просвѣтленія взывающія къ тебѣ:

Радуйся, заре евангельскаго свѣта.

Радуйся, свѣте омраченныя души освѣщающая.

Радуйся, денница вѣры, въ землѣ нашей возсіявшая.

Радуйся, лампадо Царицы небесныя.

Радуйся, свѣтлостей Божіихъ проповѣданіе.

Радуйся, святому евангелисту Лукѣ во иконописаніи послѣдовый.

Радуйся, ликовъ Заступницы усердной изображеніе.

Радуйся, святыхъ дровъ Креста Господня насажденіе.

Радуйся, святителю Питириме, тамбовскія страны просвѣщеніе.

Кондакъ XII.

Благодать Всесвятаго Духа, яже на тя изліяся, вѣдуще. молимся ти, всехвальне святителю, молися ко Господу спастися душамъ вѣрныхъ, зывающихъ Богу: аллилуіа.

Икосъ XII.

Поюще твоя чудеса, богомудре святителю, хвалимъ, поемъ и величаемъ Вседержителя, сподобляющаго насъ возглашати тебѣ:

Радуйся, врачество неистоцимое.

Радуйся, душъ нашихъ отъ погибели избавленіе.

Радуйся, тѣлесъ нашихъ здравіе.

Радуйся, отъ бѣдъ и напастей свобожденіе.

Радуйся, отче любвеобильный.

Радуйся, вожде спасенія.

Радуйся, святителю Питириме, тамбовскія страны просвѣщеніе.

Кондакъ XIII.

О, пречудный и преславный, святителю Питириме, воззри на люди твоя, всякаго бо отвѣта о грѣсѣхъ нашихъ недоумѣемъ, и умоли Создателя, да не внидетъ въ судъ съ нами, но сподобить ны гѣти: аллилуіа, аллилуіа, аллилуіа.

Молитва Святителю Питириму.

О, предивный чудотворче и великій угодниче Божій, святителю Питиримѣ, не презри моленій нашихъ, но съ высоты горнія славы взирая на ны молящіяся, потиися на умоленіе Пречистой, да оградить святую Русь отъ всякихъ бѣдъ и напастей, да хранить православную вѣру нерушиму, да укрѣпить Императора нашего и да спасетъ люди своя зывающія: радуйся, Царнице, Мати Бога Вышняго, Его же со Присвосущимъ Отцемъ и Животворящимъ Духомъ пресвятое Имя да славится во вѣки. Аминь.

Два слова къ акаѣисту.

Историческія свѣдѣнія о св. Питиримѣ, дошедшія до насъ, крайне скудны, и только очень небольшое можетъ быть установлено документально, большинство же фактовъ опирается исключительно на благочестивое преданіе. Конечно, это не обезцѣниваетъ ихъ, но вынуждаетъ пользоваться ими возможно болѣе осторожно.

Однако, однимъ изъ несомнѣннѣйшихъ историческихъ фактовъ является культуро-просвѣтительная роль и дѣятельность Святителя Питирима въ исторической жизни Тамбовскаго края. Онъ былъ не только проповѣдникомъ и насадителемъ христіанства среди язычниковъ, но и вносилъ свѣтъ христіанства во всѣ стороны жизни своей паствы. Поэтому основная мысль всего акаѣиста, проводимая во всѣхъ икосахъ его *per gradationem*: Святитель Питиримъ — истинное просвѣщеніе Тамбовскаго края, и именно просвѣщеніе, а не просвѣтитель, подъ которымъ обыкновенно разумѣютъ лицо, исключительно лишь проповѣдующее язычникамъ и крестьянѣе ихъ.

Такъ какъ святые Божіи прославляются Церковью Христовой во всей ея цѣлокупности, т. е. какъ воинствующей ея частью на землѣ, такъ и торжествующей въ небесахъ, то и число восхваленій во всѣхъ нечетныхъ икосахъ, начиная съ перваго, равно 9-ти, по числу чиновъ ангельскихъ, а во всѣхъ четныхъ — 7-ми, по числу вселенскихъ соборовъ, установившихъ православіе Восточной Церкви, представителемъ которой является прославляемый святитель.

Первый икосъ, какъ оставляющій наиболѣе сильное впечатлѣніе и дважды повторяющійся, долженъ, по моему мнѣнію, содержать указанія на основныя черты характера дѣятельности святого и на важнѣйшіе факты его земной жизни.

Самое расположеніе восхваленій должно быть таково, чтобы между предыдущимъ и послѣдующимъ была извѣстная логическая связь, а конечный пригѣвъ являлся бы необходимымъ слѣдствіемъ всего предшествующаго.

Первая половина акаѣиста (до 8-го кондака включительно) изображаетъ земную жизнь святителя, а вторая — исключительно посмертныя проявленія духовной мощи его.

Далекій отъ мысли, что вполнѣ выполнилъ поставленную себѣ задачу, я однако осмѣливаюсь полагать, что моя попытка (вѣроятно далеко не первая) вложить до извѣстной степени новое идейное содержаніе въ старыя формы, сокровенный глубокой смыслъ которыхъ давно уже утраченъ не только для массы пасомыхъ, но и для доброй половины паствы, — представляетъ извѣстный интересъ не только съ богословской точки зрѣнія, но и церковно-богослужебной.

Разумѣется, вполнѣ возможно, что я и ошибаюсь.

Ив. Аносовъ.